

# STJÓRNARTÍÐINDI A 3 — 1968

---

24. marz 1968.

17

Nr. 4.

## L Ö G

### um hækkun á bótum almannatrygginga.

FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

#### 1. gr.

Frá 1. janúar 1968 skulu bætur samkvæmt lögum nr. 40/1963, um almannatryggingar, aðrar en fjölskyldubætur, hækka, eftir því sem við getur átt, um 10% frá því, er þær að meðtalinni verðlagsuppbót voru í nóvembermánuði 1967.

Fjölskyldubætur skulu frá 1. desember 1967 vera jafnháar og þær voru í nóvembermánuði 1967.

Bótafjárhæðir almannatrygginga, eins og þær verða eftir gildistöku laga þessara, skulu frá 1. janúar 1968 teljast grunnupphæðir, sbr. lög nr. 70/1967, um verðlagsuppbót á laun og um vísitölu framfærslukostnaðar. Allar bótafjárhæðir, sem tilgreindar eru í almannatryggingalögum og gilda eiga samkvæmt 1. og 2. málsg. þessarar greinar, skulu reiknaðar í heilum krónum, þannig að hálf króna eða stærra brot hækkar í heila krónu, en minna brot fellur niður.

#### 2. gr.

Lög þessi öðlast þegar gildi.

*Gjört að Bessastöðum, 24. marz 1968.*

Ásgeir Ásgeirsson.

(L. S.)

*Eggert G. Þorsteinsson.*

10. apríl 1968.

Nr. 5.

## L Ö G

### um ráðstafanir til lækkunar ríkisútgjalda.

FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

#### 1. gr.

Þrátt fyrir ákvæði fjárlaga ársins 1968 (lög nr. 85/1967) er ríkisstjórninni heimilt að lækka fjárveitingar á eftirtöldum fjárlagaliðum árið 1968 sem hér segir:

A 3

	Þús. kr.
1. Stjórnarráð og risna ráðherra (liðir 1 01 101, 1 02 101, 1 03 101, 1 04 101, 1 05 101, 1 06 101, 1 07 101, 1 08 101 og 1 10 101) .....	2 000
2. Byggingarsjóður stjórnarráðshúss (liðir 1 01 103 og 2 01 103) .....	1 440
3. Viðeyjarstofa (liður 1 01 199 07) .....	4 000
4. Háskóli Íslands (liður 1 01 201) .....	575
5. Rekstur skóla (liðir 1 01 223—246, 1 01 251—292, 1 01 301—315 og 1 01 317—318) .....	6 600
6. Skólabyggingar (liðir 1 01 298 og 1 01 316) .....	5 000
7. Fræðslumálaskrifstofan, námsstjórar (liður 1 01 221 02) og fræðslustjórninn í Reykjavík (liður 1 01 323) .....	2 040
8. Kennaraskólinn (liður 1 01 215) .....	1 000
9. Byggingarsjóður safnahúss (liðir 1 01 608 og 2 01 608) .....	1 000
10. Þjóðgarðurinn á Þingvöllum og Þingvallanefnd (liður 1 01 703) .....	500
11. Lögreglustjórnin á Keflavíkurflugvelli (liður 1 02 103) .....	2 000
12. Utanríkisþjónusta (liðir 1 02 201—211) .....	3 000
13. Landnám ríkisins (nýbýli) (liðir 1 03 241 02 og 03) .....	7 500
13. Landnám ríkisins (nýbýli) (liður 1 03 241 02 og 03) .....	7 500
14. Fiskmat ríkisins og ferskfiskeftirlit (liðir 1 03 311 og 1 03 313) .....	3 000
15. Síldarmat ríkisins (liður 1 03 312) .....	1 000
16. Aflatryggingasjóður sjávarútvegsins (liðir 1 03 322 02 og 2 03 322) ....	11 000
17. Fiskveiðasjóður Íslands (liður 1 03 322 05) .....	30 000
18. Orkusöfnun og Orkusjóður (liðir 1 03 401 og 402) .....	4 500
19. Löggæzla (liður 1 04 142) .....	6 800
20. Bygging fangahúsa, ríkisfangelsa og vinnuhæla (liður 1 04 146 03 og 50)	1 360
21. Framkvæmd laga um hægri umferð (liður 1 04 151) .....	18 400
22. Almannavarnir (liður 1 04 153) .....	3 000
23. Eyðing meindýra (liður 1 04 219 02) .....	755
24. Prestar á Keflavíkurflugvelli og í Danmörku (liðir 1 04 501 02 og 03)	670
25. Kostnaður við skyldusparnað (liður 1 05 301 07) .....	5 700
26. Kostnaður við framkvæmd orlofslaga (liður 1 05 501 09) .....	2 450
27. Ríkisábyrgðasjóður, framlag (liðir 1 06 601 og 2 06 601) .....	10 000
28. Ríkisbifreiðar, framlag (liður 1 06 802) .....	1 000
29. Vitamál, byggingar (liður 1 07 132) .....	560
30. Ferðaskrifstofa ríkisins, framlag (liðir 1 07 161 og 2 07 161) .....	896

### 2. gr.

Árið 1968 er ríkisstjórninni heimilt að fella niður framlög á fjárlögum til eftirtalinna framkvæmda svo sem hér segir:

	Þús. kr.
1. Menntaskólinn á Akureyri (liður 1 01 212) .....	6 000
2. Menntaskólinn á Laugarvatni (liður 1 01 213) .....	7 900
3. Menntaskólinn við Hamrahlíð (liður 1 01 214) .....	11 700
4. Landspítalinn (liðir 1 04 202 og 2 04 202) .....	37 000

Jafnframt er ríkisstjórninni heimilt að afla lánsfjár til framangreindra framkvæmda í fjárhæðum skv. 1.—4. tölulið þessarar greinar innan framkvæmda- og fjárorflunaráætlunar ríkisstjórnarinnar árið 1968.

### 3. gr.

Ríkisstjórninni er heimilt að taka lán að upphæð 18 400 þús. kr. vegna framkvæmdar laga nr. 65/1966, um hægri umferð. Lánið endurgreiðist með sérstökum skatti af bifreiðum skv. 12. gr. laganna.

## 4. gr.

1. Ákvæði 13. gr. laga nr. 49/1967 um heimild til að veita lán af geymdum fjárveitingum vegna skólamannvirkja skulu fjárlagaárið 1968 framkvæmd þannig, að samanlagðar greiðslur úr ríkissjóði, að lánnum meðtöldum, skulu vera 5 millj. krónum lægri en fjárveitingar 1968 að viðbættu geymdu fé frá fyrri árum og að fráregnum fyrirframgreiðslum af fjárveitingum 1968. Þá skal við gerð framkvæmdaáætlunar, sem samkv. b-lið 4. gr. laga nr. 49/1967 skal fylgja tillögum um fjárveitingar 1969, sérstaklega taka til athugunar eldri fjárveitingar til skóla barna- og unglingastígs, sem eru ekki enn komnir á framkvæmdaáætlun og væntanlegur nemendafjöldi er minni en 30, enda hafi ekki komið til sameining hreppa í skólahverfi. Við afgreiðslu fjárlaga 1969 skal leggja fyrir Alþingi tillögur um meðferð geymdra fjárveitinga vegna slíkra skóla.
2. Við setningu reglugerðar um framkvæmd laga nr. 49/1967, um skólakostnað, skal setja ákvæði um hagkvæmt skipulag stundaskrár og aðra hagræðingu, er lækkað geti kostnað af óbreyttri þjónustu skólanna. Skólastjórar skulu, fyrir 15. apríl 1968 eða annan þann dag, er ráðuneytið ákveður, gera áætlun um nemendafjölda, fjölda reiknaðra stunda á kennslumánuði og áætlun um kostnað ríkissjóðs skólaárið 1. september 1968 — 31. ágúst 1969. Áætlanir þessar skulu endurskoðaðar af menntamálaráðuneytinu í samræmi við ákvæði skólakostnaðarlaga og reglugerðar. Eigi skal setja eða skipa kennara fyrir skólaárið 1968/69 umfram tölu fastra kennara 1967/68, fyrir en áætlun skólastjóra um kennarapörf hefur hlotið samþykki menntamálaráðuneytisins.

## 5. gr.

Í stað ákvæða um námsstjórn í lögum nr. 34/1946, um fræðslu barna, lögum nr. 48/1946, um gagnfræðanám, lögum nr. 49/1946, um húsmæðrafræðslu, og lögum nr. 49/1967, um skólakostnað, komi:

Verja skal 2 millj. króna á ári til námsstjórnar fyrir allt landið og til framkvæmdar skólakostnaðarlaga, nr. 49/1967. Skal 300 þús. kr. af þeirri fjárhæð varið til námsstjórnar í einstökum námsgreinum samkvæmt nánari ákvörðun menntamálaráðuneytisins.

## 6. gr.

1. Frestað er, unz Alþingi ákveður annað, framkvæmd ákvæðis laga nr. 27/1967, um breyting á lögum nr. 60/1957, um Háskóla Íslands, um stofnun sjötta prófessorsembættis í lögfræði.
2. Frestað er, unz Alþingi ákveður annað, framkvæmd ákvæðis laga nr. 41/1966, um breyting á lögum nr. 60/1957, um Háskóla Íslands, um að bæta við prófessorsembætti í nútíma sagnfræði.

## 7. gr.

1. Fræðslumálaskrifstofan skal vera deild í menntamálaráðuneytinu, og falla jafnframt úr gildi lög nr. 35/1930, um fræðslumálastjórn, og önnur ákvæði, sem brjóta kunna í bága við þetta.
2. Fjármálaeftirlit skóla skal vera deild í menntamálaráðuneytinu, og breytast ákvæði IV. kafla laga nr. 49/1967, um skólakostnað, í samræmi við það, svo og önnur ákvæði, er brjóta kunna í bága við þetta.
3. Fræðslumyndasafn ríkisins skal vera deild í menntamálaráðuneytinu, og breytast lög nr. 54/1961 í samræmi við það, svo og önnur ákvæði, er kunna að brjóta í bága við þetta.
4. Íþróttafulltrúi skal vera starfsmaður í menntamálaráðuneytinu, og breytast íþróttalög, nr. 49/1956, til samræmis við það, svo og önnur ákvæði, er kunna að brjóta í bága við þetta.

5. 1 mgr. 28. gr. V. kafla laga nr. 22/1963, um almenningsbókasöfn, orðist svo: Menntamálaráðherra skipar bókafulltrúa ríkisins, og skal hann vera starfsmaður menntamálaráðuneytisins.

Skipulagsbreytingar samkvæmt grein þessari skulu koma til framkvæmda, þegar menntamálaráðherra ákveður.

#### 8. gr.

Á árunum 1968 og 1969 er ríkisstjórninni heimilt að lækka hvort ár framlög á fjárlögum til landnáms vegna nýbýla skv. 27. gr. laga nr. 75/1962 úr 9.5 millj. kr. í 3.5 millj. kr. og til íbúðarhúsa á nýbýlum skv. 48. gr. laga nr. 75/1962 úr 2.4 millj. kr. í 0.9 millj. kr.

#### 9. gr.

Á eftir 17. gr. laga nr. 77/1962, um aflatryggingasjóð sjávarútvegsins, komi svo hljóðandi bráðabirgðaákvæði:

Á árinu 1968 skal framlag ríkissjóðs skv. 2. tölulið 9. gr. laganna vera þriðjungur á móti 1. tölulið greinarinnar.

Framlag ríkissjóðs til Fiskveiðasjóðs Íslands skv. c-lið 4. gr. 1. frá 3. maí 1966 skal falla niður á árinu 1968.

#### 10. gr.

Orðin „en þriðjungur kostnaðar endurgreiðist úr ríkissjóði eftir reikningi, er stjórnarráðið úrskurðar“ í 1. mgr. 2. gr. laga nr. 27/1945, um eyðing á rottum, falli niður.

#### 11. gr.

Póst- og símamálastjórnin annast án endurgreiðslu sömu fyrirgreiðslu hér eftir sem hingað til varðandi sparimerki og skyldusparnað, sbr. lög nr. 19/1965 og reglugerð nr. 116/1959, svo og afgreiðslu í sambandi við orlof, sbr. lög nr. 16/1943.

#### 12. gr.

Annar málsliður 13. gr. laga nr. 29/1964, um ferðamál, falli niður.

#### 13. gr.

Lög þessi öðlast þegar gildi.

*Gjört í Reykjavík, 10. apríl 1968.*

**Ásgeir Ásgeirsson.**

(L. S.)

*Magnús Jónsson.*